

BOSNA I HERCEGOVINA
Federacija Bosne i Hercegovine
Tuzlanski kanton
Grad Gračanica

Gradsko vijeće Gračanica
Predsjedavajući Gradskog vijeća

Razmatra: Gradsko vijeće

***INFORMACIJA O RADU VIJEĆA MJESNIH ZAJEDNICA GRADA GRAČANICA
U 2019.GODINI***

Gračanica, april 2020.

Predmet: Informacija o radu Vijeća Mjesnih zajednica Grada Gračanica u 2019 godini

OPĆE INFORMACIJE – ORGANIZACIJA MJESNE SAMOUPRAVE

Informacija o radu vijeća mjesnih zajednica sačinjava se svake godine i prema programu rada, prezentuje na sjednicama Gradskog vijeća. Informacija se radi na osnovu izvještaja vijeća mjesnih zajednica, kontakata sa predsjednicima i članovima vijeća sa predsjedavajućim GV, službama općinske uprave i izvještaja obilazaka mjesnih zajednica.

Na površini od 219,5 kvadratnih km Grad Gračanica administrativno je organizovana u 23 mjesne zajednice u kojima su prema Statutu općine uspostavljena Vijeća kao zvanični organ mjesne zajednice s pravom konsultovanja i odlučivanja o pitanjima od neposrednog interesa građana mjesne zajednice utvrđenim Zakonom, Statutom općine i Statutom mjesne zajednice. Mjesna samouprava u jedinici lokalne samouprave ostvaruje se u mjesnoj zajednici kao obaveznom obliku mjesne samouprave koju osniva Gradsko vijeće a u skladu sa statutom JLS. Sve mjesne zajednice na teritoriji Grada Gračanica imaju status pravnog lica, posjeduju Statut usklađen sa Statutom grada, pečat, identifikacijski broj i bankovni račun. Rukovodstva vijeća osposobljena su za samostalan rad te nadležnim službama uredno podnose izvještaje, planove, učestvuju u kandidovanju i praćenju projekata koji se realizuju u mjesnim zajednicama, kao i prikupljanju sredstava od građana za realizaciju istih. U pripremi i realizaciji kapitalnih projekata usko saradjuju sa nadležnim službama gradske uprave. U ovom trenutku osim MZ Lendići, sve mjesne zajednice imaju urede u kojima se održavaju sjednice vijeća. Iako u potpunosti nije završen društveni dom u kojem se nalaze kancelarije MZ Trnovci, stvoreni su uslovi za upotrebu prostora u svrhu rada ove mjesne zajednice. Pažnju bi u narednom periodu trebalo posvetiti tehničkom opremanju ureda mjesnih zajednica u pogledu obnavljanja namještaja i računarske opreme potrebne za rad administrativne službe.

RAD VIJEĆA

Rad Vijeća mjesnih zajednica na području Grada Gračanica u 2019. godini odvijao se kroz kolektivne i pojedinačne aktivnosti članova vijeća. I dalje jedan od problema koji se ističe u radu nekoliko vijeća je neredovno prisustvo sjednicama vijećnika koji se nisu odazivali pozivu. Taj problem je u 2019. godini riješen u nekoliko vijeća zamjenom vijećnika u skladu sa Statutarnom odlukom, a kako bi se otklonio problem blokada rada vijeća mjesnih zajednica.

Uprkos precizno traženim informacijama pismenim dopisom, do zaključenja ove informacije nisu pristigli potpuni izvještaji iz nekoliko mjesnih zajednica Grada Gračanica.

Tražena je dostava slijedećih materijala : Izvještaja o radu Vijeća mjesne zajednice za 2019. godinu, Finansijskog izvještaja za 2019. godinu za sredstva doznačena iz Budžeta Grada, kao i finansijskog i plana rada za tekuću godinu, te je ova Informacija nastala na osnovu dostupnih podataka.

U susret prevazilaženju ovog problema urađeni su jedinstveni obrasci po kojima se trebalo izvještavati o radu i finansijskom poslovanju mjesnih zajednica. Na ovoj vrsti izvještavanja insistirat će se od novog saziva vijeća mjesnih zajednica u 2020. godini zašto će biti planirana i obuka za popunjavanje obrazaca, obzirom da kod većine postoji bojazan o pravilnom popunjavanju istih.

MJESNE ZAJEDNICE - PREGLED

- **Babići :**

Vijeće MZ Babići u protekloj 2019.godini održalo je sedam redovnih sjednica, te donijelo niz odluka vezanih za realizaciju određenih projekata u Mjesnoj zajednici Babići. Prisutnost sjednicama Vijeća Mjesne zajednice Babići od izabranih vijećnika ja zadovoljavajuća, izuzev vijećnika Kahvedžić Samira koji je i zamijenjen vijećnikom Kahvedžić Mirnesom.

Upravljanje i održavanje vodovoda u MZ Babići, te poslovanje u suficitu, materijal u prilogu. Članovi vijeća tokom 2019.godine bili angažovani na realizaciji nekoliko programa iz oblasti infrastrukture, kulture i sporta.

- **Buk :**

Narativni izvještaj o radu VMZ (broj održanih sjednica i prisustvo vijećnika) nije dostavljen dok je detaljno uz analitičku karticu prikazan utrošak budžetskih sredstava za ovu mjesnu zajednicu u iznosu od 7.904,23 KM. Iz izvještaja je vidljivo da je utrošak sredstava veći od prihoda za 650,21 KM koji je nadoknađen iz akumuliranih sredstava VMZ Buk.

- **Doborovci :**

Tokom 2019.godine VMZ Doborovci održalo je 6.redovnih sjednica vijeća koje su održavane u kvorumu jer je prisutnost vijećnika sjednicama zadovoljavajuća. Sjednice su održavane prema utvrđenom Programu rada za 2019.godinu i na kojima su precizirane aktivnosti koje su provođene tokom godine. Pored blagovremenog servisiranja tekućih aktivnosti (administrativne i druge aktivnosti definisane Statutom/Pravilnikom), kroz 2019. godinu VMZ Doborovci uspješno pokreće, predvodi i realizuje nekoliko projekata koji su u interesu lokalne zajednice.

- **Doborovci Gornji :**

VMZ Doborovci Gornji u 2019.godini održalo je 6 redovnih i 2 telefonske sjednice. Veći dio vremena Vijeće je radilo sa šest vijećnika zbog bolesti jednog člana.

VMZ je donijelo više Odluka, zaključaka, zahtjeva, ugovora. Bavilo se i održavanjem makadamske putne infrastrukture, problematikom oko nedostatka vode, kao i učešćem u sportskim i kulturnim manifestacijama na svom području.

Pored svakodnevnih životnih pitanja građana u 2019. godini realizovan je i kapitalni projekat izgradnje potpornog zida i tribina na započetom sportskom poligonu.

Zbog teže komunikacije između izvršnih organa Grada i osjećaja zapostavljenosti, govoriti o potrebama je suvišno u ovom izvještaju. Ipak naša očekivanja su da nam se neko od gradskih vlasti obrati kako bi sagledali i naše problem.

- **Džakule :**

Izvještaj za 2019.godinu nije dostavljen. .

- **Gračanica :**

Vijeće mjesne zajednice Gračanica koje broji najviše vijećnika (17) u 2019.godini održalo je 5 redovnih sjednica te 1 svečanu sjednicu. Tokom godine VMZ Gračanica realizovalo je 5 javnih rasprava na teme „Nacrt Odluke o komunalnom redu i komunalnim djelatnostima“; „Nacrt Odluke o visini naknada predsjednicima VMZ“; „Aktivnosti BH Telecoma u naselju Drafnići“; „nacrt Odluke o Statuta Grada Gračanica“ i „Bužet grada 2020“, dok su predsjednik i vijećnici prisustvovali na nekoliko sastanaka organizovanih od strane drugih institucija.

Održana je jedna svečana sjednica a vijećnici su tokom godine uzimali učešće i na sastancima organizovanim od strane Gradske uprave, UNDP-a, te kontaktima sa građanima. Vijeće MZ Gračanica u 2019. godini organizovalo je nekoliko humanitarnih i društvenih aktivnosti od koji se izdvaja akcija „uređenje izletišta Brezik“. Doznačena sredstva su utrošena prema finansijskom planu.

- **Lendići :**

Vijeće MZ Lendići u protekloj 2019. godini održalo je tri redovne sjednice, na kojima se razgovaralo o postojećem stanju u mjesnoj zajednici i aktivnostima shodno realnim mogućnostima. Izraženo je nezadovoljstvo odnosom gradske vlasti spram ovog područja i ne realizacijom predviđenih ionako skromnih projektata proteklih godina. Zbog nedovoljnih ličnih sredstava Vijeće nije bilo u mogućnosti učini ništa osim povremenih nasipanja lokalnih puteva. Najveća problematika ove mjesne zajednice, snabdjevanje vodom i sanacija klizišta nije se našla u aktivnostima gradske vlasti u proteklim godinama. Stoga su ove teme i dalje u fokusu vijeća MZ Lendići i nastojanja u razvoju ove mjesne zajednice.

Prisutnost sjednicama Vijeća Mjesne zajednice Babići od 7 izabranih vijećnika ja konstantna za 4 vijećnika dok se troje nije pojavilo ni na jednoj sjednici vijeća u 2019. godini.

- **Lohinja Donja :**

U toku 2019. godine aktivnosti VMZ Lohinja Donja svodile su se na izgradnju i redovno održavanje lokalne infrastrukture u skladu sa mogućnostima. *U izvještaju se navodi da bi aktivnosti bile i veće da mjesna zajednica ima vlastite prihode odnosno da je mjesna zajednica raspodjelom gradskog bužeta bila zastupljenija, a što se očekuje u narednom periodu.*

Vijeće je održalo 5. sjednica na kojima je bilo zadovoljavajuće prisustvo vijećnika, odnosno izostanak je opravdan.. Doznačena budžetska sredstva utrošena su namjenski.

- **Lohinja Gornja :**

Izvještaj nije dostavljen a predsjednik VMZ je u u toku aprila mjeseca podnio ostavku na funkciju.

- **Lukavica:**

Izvještaj nije dostavljen.

- **Malešići :**

Kao i proteklih godina aktivnosti vijeća MZ Malešići bile su usmjerene na lokalnu infrastrukturu te druge značajne društvene projekte.

VMZ Malešići održalo je 8. sjednica na kojima su razmatrane informacije i dokumenti iz plana rada za 2018. godinu a doznačena budžetska sredstva utrošena također prema planu. Donesena je 21 Odluka, te niz drugih akata u saradnji sa službama Gradske uprave. Prisustvo vijećnika sjednicama vijeća u procentima iznosi 90%

- **Miričina :**

U toku 2019. godine VMZ Miričina održalo je 8 redovnih i 2 vanredne sjednice na kojima se raspravljalo o bitnim pitanjima od interesa za mjesnu zajednicu. Prisustvo vijećnika sjednicama i njihov rad ocjenjuje se zadovoljavajuće. Vijeće je sjednice održavalo prema utvrđenom programi i dnevnom redu te tako raspravljalo o važnijim pitanjima iz svoje nadležnosti uz usvajanje svih akata vijeća potrebnih za njegov uspješan rad.

Vijeće je aktivno uključeno u rad po pitanju cjelokupnog razvoja mjesne zajednice a sve prema finansijskom planu te drugim aktivnostima prema potrebi građana a u skladu sa donesenim odlukama.

- **Orahovica Donja :**

U 2019.godini VMZ Orahovica Donja održalo je 5 redovnih sjednica. Rad u ovoj godini obilježia je smjena predsjednika vijeća na početku, te zamjena 3 vijećnika u toku godine. Vijeće je odgovaralo potrebama građana te u tom smislu rješeno više od 20 zahtjeva upućenih VMZ. Aktivnosti koje se izdvajaju su izgradnja javne rasvjete, sanacija putne infrastrukture, rješavanje vodosnabdjevanja i tekuće održavanje sistema, te niz drugih aktivnosti u saradnji sa NVO i građanima. Doznačena budžetska sredstva su prema dostavljenoj dokumentaciji trošena namjenski.

- **Orahovica Gornja :**

Vijeće MZ Orahovica Gornja u 2019.g. održalo je 5 redovnih i 2 telefonske sjednice na kojima su razmatrane lokalne aktuelnosti od kojih se izdvajaju infrastrukturni projekti (putevi, javna rasvjeta, voda, klizišta) kao i realizacija drugih projekata općeg društvenog interesa i kulturno-sportskih događaja. Rad vijeća se ocjenjuje više negho zadovoljavajućim obzirom na saradnju vijećnika i jednoglasno donošenje odluka.

- **Piskavica :**

U toku izvještajnog perioda VMZ Piskavica održalo je 4 redovne sjednice na kojima je prisutnost vijećnika bila skoro 100%. Vijeće je u saradnji sa gradskim službama realizovalo nekoliko infrastrukturnih projekata. Dugogodišnji problem lokalnog vodovoda je riješen što rezultira urednim snabdjevanjem građana pitkom vodom. Problemi koji se ističe je neuslovnost prostorija Doma kulture tačnije učionice područne škole pa i prostorija MZ. Vijeće moli da se u što skorije vrijeme ovaj problem rješi kako bi se stvorili i bolji uslovi za rad VMZ.

- **Pribava :**

Aktivnosti Vijeća MZ Pribava bile su teme 8. održanih redovnih sjednica VMZ Pribava 1.Forum građana i 2 Javne rasprave, a odnosile su se na infrastrukturne projekte i druge društvene aktivnosti kroz rad nevladinih organizacija. Vijeće je bilo dostupno i zahtjevima građana na koje se odgovaralo u skladu na nadležnostima i mogućnostima. Ono što je obilježilo 2019.godinu u VMZ Pribava je ostavka dva člana vijeća (ujedno Predsjednika VMZ Mirze Džananovića) te manja aktivnost u radu vijeća drugih članova koji participiraju u Vijeću MZ Pribava.

- **Prijeko Brdo :**

Izvještaj nije dostavljen.

- **Rašljeva :**

Vijeće mjesne zajednice Rašljeva u čijem sastavu je 7 vijećnika u toku 2019.godine održalo je 5 sjednice od kojih je jedna bila telefonska a na kojima je razmatrano stanje u mjesnoj zajednici na osnovu čega su donošeni određeni potezi i pravci djelovanja i donosile odluke u cilju poboljšanja uslova života stanovnika ove mjesne zajednice. Vijeće je aktivno radilo na određenim infrastrukturnim projektima od koji se izdvaja nastavak izgradnje mjesnog vodovoda kao i rekonstrukcija zgrade škole. Doznačena sredstva namjenski su utrošena.

- **Soko :**
Vijeće MZ Soko u 2019.godini održalo je 3 sjednice vijeća uz problem nerednog prisustva vijećnika sjednicama koje su radile na ivici kvoruma. Uprkos tome vijeće je provodilo određene aktivnosti predviđene Programom rada za 2019.godinu kao i drugih shodno potrebama i zahtjevima građana. Realizovano je nekoliko projekata asfaltiranja ulica, oborinske i fekalne kanalizacije kao i niz drugih kulturno-sportskih i društvenih projekata. VMZ Soko poslovalo je pozitivno a sva doznačena sredstva utrošena su namjenski.

- **Stjepan Polje :**
VMZ Stjepan Polje tokom izvještajnog perioda za 2019. održalo je 7 sjednica vijeća na kojima su donošene odluke, smjernice i formirani odbori za provođenje aktivnosti u ovoj mjesnoj zajednici. One su bile usmjerene na poslove redovnih održavanja lokalnih puteva, vodovoda, rasvjete, čistoće, zatim niza kulturnih i sportskih manifestacija i pomoć u radu lokalnih udruženja. Doznačena budžetska i sredstva po drugim prilivima usmjeravana su na održavanje, izgradnje i rekonstrukciju postojeće i nove infrastrukture, dok se kao problemi ističu nedovoljno finansijskih sredstava iz budžeta Grada, ograničenost razvoja MZ, te ne saradnja nadležnih gradskih službi sa predstavnicima MZ. Prisustvo vijećnika sjednicama VMZ osim u jednom slučaju je zadovoljavajuća i iznosi 78%, a kao problem se ističe nezainteresovanost određenih političkih subjekata za učešće u radu vijeća što bi se moglo unaprijediti eventualnom zamjenom vijećnika.

- **Škahovica :**
Izvještaji, odluke i lokalne teme koje se tiču napretka u razvoju mjesne zajednice Škahovica bile su sadržilac svih 8 održanih sjednica VMZ Škahovica tokom 2019.godine. Njihovo održavanje nije bilo uslovljeno kvorumom dok su izostanke sa sjednice vijećnici uredno najavili i opravdali osim u slučaju jednog vijećnika. Vijeće se tokom godine maksimalno posvetilo infrastrukturnim projektima u ovoj mjesnoj zajednici što je imalo za rezultat više realizovanih projekata. Vijeće se uključilo u organizovanje društvenih događaja ali i dalo doprinos organizovanja javnih rasprava Gradske uprave grada Gračanica. Doznačena finansijska sredstva iz gradskog budžeta rashodovana su u skladu sa zakonom a prema ranije utvrđenom planu.

- **Trnovci :**
Vijeće VMZ Trnovci u 2019.godini održalo je 7 sjednica na kojima je ukupno razmatrano 27.tačaka dnevnog reda. Vijeće Trnovci nije u potpunosti zadovoljno radom koji je otežan nedostatkom adekvatnog prostora ali se stanje u odnosu na ranije popravilo osiguranjem minimalnih uslova u novoizgrađenom društvenom domu. Aktivnosti vijeća usmjerene su na održavanje lokalne infrastrukture dok značajnijih projekata izgradnje nije bilo. U toku godine došlo je do zamjene određenog broja članova vijeća jednog političkog subjekta te zastoja u radu nije bilo.

- **Vranovići :**
Funkcionisanje vijeća mjesne zajednice u 2019.godini obilježilo je neredovno sazivanje sjednica kao posljedica zamjene članova vijeća, smjene predsjednika i nesuglasica na realaciji predsjednik VMZ vijećnici. Uprkos tome provedene su aktivnosti koje su bile izraz volje i potrebe mještana Vranovića pa se pažnja posvetila prije svega rješavanju pitanja vodosnabdjevanja, sitnim infrastrukturnim sanacijama, kao i pomoći društveno-sportskim događajima. Doznačena sredstva utrošena su u gore navedeno.

NAPOMENA: Sva Vijeća mjesnih zajednica (i ona koja nisu narativne) finansijske izvještaje dostavile su u Službu za budžet, poduzetništvo i lokalni razvoj.

SARADNJA SA JEDINSTVENIM ORGANOM UPRAVE

Kada je u pitanju saradnja Vijeća mjesnih zajednica sa Gradskom upravom vrijedi napomenuti da su službe Gradske uprave bile na raspolaganju stim. Predsjednici VMZ koji zastupaju MZ komunicirali su sa Gradonačelnikom i nadležnim u upravi kao i Stručnom službom Gradskog vijeća (po potrebi) tj.predsjedavajućim GV. S ciljem ostvarivanja što bolje saradnje i rješavanj određenih pitanja održano je nekoliko sastanaka na terenu u vijećima mjesnih zajednica na kojim su prisustvovali Predsjedavajući Gradskog vijeća i nadležni iz službi Gradske uprave.

Uprkos upućenim pismenim i usmenim sugestijama da se predsjedavajućem GV Gračanica dostave termini održavanja sjednica VMZ kako bi istim prisustvovao, to se nije dešavalo tokom 2019.godine osim u gore navedenim slučajevima. Tako je prisustvo zabilježeno u Doborovcima, Vranovićima, Pribavi i Gornjoj Orahovici. Nekoliko susreta s građanima pojedinačno je održano u prostorijama Gradskog vijeća.

Kada je u pitanju izmjena Statuta mjesnih zajednica, oni su trebali biti završeni do maja 2019.godine ali obzirom da je uslijedilo i proglašenje Zakona o Gradu Gračanica, Kolegij GV je zauzeo stav da se sa izmjenom Statuta u mjesnim zajednicama sačeka do konačnog usvajanja Statuta Grada kako bi se već utvrđene izmjene mogle ukomponovati i sa potrebnom izmjenom naziva (općina-grad).

ORGANIZACIONO JAČANJE

Kako bi se olakšao rad vijeća mjesnih zajednica i izvještavanje o radu vijeća, sačinjeni su novi jedinstveni obrasci koji su dostavljeni svim vijećima a koja ih trebaju popunjavati i dostavljati kvartalno što će olakšati posao predsjednicima i sekretarima u vidu sačinjavanja izvještaja o radu i utrošku budžetskih finansijskih sredstava. Među obrascima se nalaze i pozivi za sjednice te načini pisanja zapisnika na sjednicama.

Za navedenim obrascima stekla se potreba zbog nenamjernih propusta (nepoznavanjem načina izrade istih) kao i prigovora nekih članova vijeća mjesnih zajednica da nisu pozivani na sjednice uprkos tvrdnjama predsjednika da se to čini, a zašto ni sa jedne strane ne postoji dokaz.

Zbog uočenih i gore navedenih problema u radu VMZ, Pravilnikom o organizaciji i sistematizaciji radnih mjesta u Jedinstvenom organu predviđeno je i radno mjesto stručnog saradnika za mjesnu samoupravu a isti će opisom poslova između ostalog raditi i slijedeće :

- Pomaže MZ u realizaciji podnesenih zahtjeva službama,
- Pruža pomoć i učestvuje u izradi planova, programa, izvještaja o radu organa MZ,
- Posreduje u kontaktima službi i MZ (zimsko održavanje puteva i dr.), te obezbjeđuje potrebne projekte i drugu dokumentaciju kod realizovanja projekata,
- Koordinira aktivnosti materijalnih i finansijskih davanja prema MZ,
- Priprema, organizuje i učestvuje na sastancima predstavnika općine i MZ,
- Izrađuje periodične i godišnje izvještaje o radu,
- Kontroliše saradnju organa MZ i knjigovodstvenog servisa i reaguje u slučaju bilo kakvog odstupanja od usvojenih procedura.

Ono što je i dalje problem u radu vijeća mjesnih zajednica je neprisustvo ili neaktivnost pojedinih vijećnika. Sugestije su išle u pravcu zamjene takvih što je regulisano posljednjom izmjenom Statuta grada kojom je predviđeno da vijećnika za koje postoji prigovor, novim vijećnikom mogu zamjeniti politički subjekti kojima to mjesto prema ranije utvrđenoj raspodjeli pripada a na zahtjev političkog subjekta ili Vijeća mjesne zajednice. Ovaj mehanizam primjenjen je u nekoliko mjesnih zajednica i dao je rezultat.

Kada je u pitanju zastupljenost mladih i žena vijećnika, analizom je utvrđeno da od ukupno 140 vijećnika izabranih u vijeća mjesnih zajednica, njih 34 su mladi a samo 18 je žena vijećnica. Pomaka ima u ulozi predsjednika VMZ jer je u 2019. godini ostavkom dotadašnjeg, na mjesto prednika VMZ Pribava izabrana žena. Između ostalog i projektom UNDP-a „Jačanje uloga MZ u BiH“ nastojat će se u narednom periodu popraviti broj mladih i žena izabranih u vijeća. Vrijedi istaći rad nevaldinog sektora u mjesnim zajednicama s posebnim akcentom na rad grupa i udruženja žena.

Pominjući projekat „Jačanje uloga MZ u BiH“ tokom 2019. godine održano je nekoliko sastanaka a neki od njih odnosili su se pronalaženje načina poboljšanja rada u vijećima mjesnih zajednica s ciljem jačanja kapaciteta vijeća i osnaživanja pojedinaca (mogu to biti i timovi građana formirani od strane vijeća mjesne zajednice) koji će davati doprinos razvoju mjesne zajednice. Na ovaj način gradi se volonterizam ali i broj volontera koji indirektno učestvuju u kreiranju politika na nivou mjesne samouprave. Do sada ispunjeni zahtjevi i ostvareni rezultati predstavljaju Grad Gračanica kao primjer dobre prakse.

Saradnja sa Komisije za etički kodeks, ravnopravnost spolova, prava i slobode čovjeka sa Vijećima mjesnih zajednica može se ocjeniti više nego zadovoljavajućom. Započete aktivnosti obilaska VMZ u 2018. godini nastavljene su i u 2019. Na početku mandata i imenovanja ove Komisije, planom rada, predviđeno je da će članice/ovi Komisije uspostaviti saradnju sa VMZ, te u dogovoru sa predsjednicima MZ prisustvovati sjednicama VMZ.

Dogovoreno je i planirano da se na sjednice, na kojima prisustvuju članice/ovi Komisije obavezno pozivaju i predstavnice Udruženja žena sa područja MZ, kako bismo razgovarali o radu UŽ, promovisali društveni angažman i ravnopravnost spolova.

U prošloj, 2019 godini smo uspješno realizovali posjete u nekoliko MZ i to:

- 22.03.2019. MZ Škahovica, te - 23.03.2019. MZ Donja Orahovica.

Utvrđeno kako nevladine organizacije koje djeluju u ove dvije mjesne zajednice imaju podršku Vijeća u ostvarivanju plana rada i aktivnostima na kojima su angažovani članovi udruženja, te kako su udruženja na raspolaganju aktivnostima koje sprovode vijeća. Saradnja je obostrana i zadovoljavajuća.

Obilazak Vijeća mjesnih zajednica kontinuirano će biti nastavljen i od strane Komisije za etički kodeks, ravnopravnost spolova, prava i slobode čovjeka kako bi se pratio rad, uslovi rada, nedostaci i potrebne mjere kako bi vijeća u potpunosti funkcionisala i služila što kvalitetnijem razvoju lokalnih mikro sredina Grada Gračanica.

Predsjedavajući
Gradskog vijeća Gračanica
Nihad Krajinović